

華東史地文獻 第二十七卷

中國華東文獻叢書



中國華東文獻叢書·第三輯

華東史地文獻

第二十七卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：丁鳳麟 方寶川 史梅 李西寧

徐曉軍 黃顯功 傅德華

本卷目錄

齊山巖洞志	〔清〕陳蔚纂輯		〇〇三
梭山農譜	〔清〕劉應棠撰		三一五
皖北水利測量圖說	〔民國〕宗嘉祿輯		三七三

【清】陳蔚纂輯

齊山巖洞志

〔清〕《齊山巖洞志二十六卷首一卷》，陳蔚纂輯，光緒二十七年（公元一九〇一年）唐石窠重刊本。白口，單魚尾，左右雙欄。半葉十行，行二十字。

陳蔚，字梅緣，生卒年不詳。卷前有裘世璘序文及題辭若干，卷後有劉世珩跋文。

齊山巖洞
志二十六
卷

劉世珩署

光緒辛丑歲

唐石籀重刊

郡城南三里許齊山在焉山有
十餘峯其高齊等故名或謂
唐貞元中齊映為池州刺史愛
此山巖洞奇絕時往游之山因以
齊為姓然歟否歟余於癸亥歲
調守是邦嘗往來翠微堤上西
水夾堤如鏡螺峰俯瞰弄影波
心朝嵐夕靄蒼翠染人衣袂間
山高僅數尋無岌嶮峻嶒之狀
顧其中石磴縈紆崖穴深邃為
高下之或榛為路絕或蛇虺徑通
召冬日探尋不能窮其極者唐

宋以來名之鉅卿及騷人韻士靡
不捫蘿攀葛梯險絕幽發為詠
歌以紀其勝歷時久遠陵谷變
遷琳宮紺宇半委雲煙斷碣殘
碑幾埋榛莽舊志屢修屬易舛
誤滋多青陽陳明經蔚有志蒐
輯暇日輒仰躋軒昂俯測幽奧
於山之巨細悉究不獨半碣摩崖
披剝剝蝕而凡隆替湮沒神靈
歟戲之區罔弗周覽遺跡巖壑
洞穴涉前人所未到仍復參稽
史傳采訪羣書故能辨正前明

諸志之謬迨復唐宋之舊斯亦
山靈之所深賴也夫時在
嘉慶十年系平既望知池州府
事守齋裘世璘敘并書



齊山巖洞志

裘叙

三

齊山巖洞志題辭

巖悲洞忽淒雲烟詩荒菊老重陽天草沒亭臺薛繡壁
吁嗟小劫成滄田蓉城老宿大手筆飄然扶杖齊山前
山靈相見忽相契破除積念忘拘攣山僧發願辨淆亂
芟刈蕭艾存蘭茝先生展卷據禪榻心月夜照光娟娟
自唐迄今已千載此事歷歷咸仔肩田侯慎張劉李郎
互有謬謬難求全上入雲濤下無底搜奇選勝如參禪
志釐二十有六卷獅蹲象伏歸全篇八十餘年面目改
朝嵐夕翠齊登筵辛苦分明示來者雁聲江影同流傳
著述始自乙丑夏書成一手將周年從此臥遊卽展卷
齊山巖洞志 卷首 題辭 一
衆山響應堂中絃張華後身君乃是質諸當代誰不然
九華望君歸作志往往飛出青雲邊我家名山被君奪
手把卷帙心流連 用梅都官遊齊山寺韻

秋浦俞相題

層巒縹緲絕塵寰組纂煙霞靜閑關一代才人甘小隱
千秋事業託名山林泉有福能消受雲鳥多情任往還
我欲凌空發長嘯翠微頂上共登攀

金陵程慶萱題

天然名勝久荒蕪杖策登臨十載餘搜徧峴山無賸蹟
探窮禹穴有成書林泉潤色詩兼畫巖洞分明注與疏

取次九華看載筆還他生面碧芙蕖

五松王心單題

齊山巖洞志

卷首

題辭

二

徵刻齊山巖洞志啟

竊齊山具池陽之勝概爲郭外之名區三里而遙諸峰等峙穿雲采隱石盡嶙峋把菊登高路非修阻宜其肇嘉名於相國邀雅咏於司勳也稽自太平寰宇之編畧陳其概泛舟山浙之錄漸發其奇洞天敘自王公遊記作於錢氏僧道璵專刊詩集田建安總輯山書厥後侯太守慎御史張大令凡例相因劉王孫李明府郎杏邨體裁稍變明代曾經四刻

國朝亦復三修迄今舊板無存遺編漸軼若不續纂

齊山巖洞志

卷首

啟

一

日就淪亡且前此賢哲之芳踪尙未盡出卽近日名流之巨製應亟增收蔚適因惠遠見招欲做廬山紀事不辭固陋廣肆搜羅爰彙舊書兼綜各記認磨崖於薜壁披斷簡於芸窗辨其錯訛補其遺漏峰巒巖石循徑而求寺觀亭臺因地以附源流必溯興廢咸書事增八十餘年冀與林泉生色志釐二十六卷遂將巖洞名編博山水之觀意期詳確比虞衡之志愧未簡該將次開雕業經脫稿顧囊惟五岳偏稀剞劂之費縱字可千金難作肅聚之費伏乞儒雅長官風流韻士或分清俸或啟遺

巖谷發勝情共襄盛舉俾得繡入於梓以廣流傳
家有其書足供觀覽金題玉躐豈僅藏之名山青
壁丹崖將見列諸淨几入少文之室可當臥遊效
天姥之吟無煩夢想

齊山巖洞志

卷首

啟

二

參訂姓氏

王肇全鶴嶺全椒

潘瑛懷甯懷甯

吳堯藩淮陰淮陰

程慶萱清河清河

祥和清河清河

陳鳳岐渭川渭川

章聖謨青陽青陽

汪文燦蕪湖蕪湖

姜龍章蕪湖蕪湖

齊山巖洞志

卷首

參訂姓氏

一

俞相蕪湖蕪湖

吳邵青蕪湖蕪湖

劉書芳蕪湖蕪湖

徐掄英蕪湖蕪湖

江欄蕪湖蕪湖

徐鳳喈蕪湖蕪湖

劉梧蕪湖蕪湖

胞姪域蕪湖蕪湖

張葆光蕪湖蕪湖

朱良煒蕪湖蕪湖

李夢源蕪湖蕪湖

江城蕪湖蕪湖

周頤蕪湖蕪湖

孫擎蕪湖蕪湖

袁鴻文蕪湖蕪湖

柯鳴鳳蕪湖蕪湖

甯儉蕪湖蕪湖

姚翔蕪湖蕪湖

胡士琅蕪湖蕪湖

王蘭蕪湖蕪湖

胡鏞蕪湖蕪湖

王釐成蕪湖蕪湖

章朝偉蕪湖蕪湖

弟秉烈蕪湖蕪湖

胞姪堅蕪湖蕪湖

顧鏞蕪湖蕪湖

高岑蕪湖蕪湖

勞崇煦蕪湖蕪湖

袁琛蕪湖蕪湖

汪太和蕪湖蕪湖

王思修蕪湖蕪湖

郎玉文蕪湖蕪湖

洪符孫蕪湖蕪湖

章天育蕪湖蕪湖

韓正翔蕪湖蕪湖

涂國熙蕪湖蕪湖

姜兆蘭蕪湖蕪湖

聞作梅蕪湖蕪湖

潘宗正蕪湖蕪湖

姚肇秀蕪湖蕪湖

姪思才蕪湖蕪湖

胞姪靖蕪湖蕪湖

齊山巖洞志凡例

一齊山志宋以前已有之惜無存者明宏治中寺僧道璫始輯齊山詩集嘉靖初田一竹太守始輯齊山志而續於侯三峯太守增於慎山泉御史重刻於張昭潭大令至

本朝劉王孫茂才總輯爲齊山圖畫志視前志較精及康熙末李踐齋大令因卽杏邨志稿復加纂修而體例稍變詳畧失宜難稱善本大抵去古既遠名蹟日湮而操筆者又無濟勝之具不能徧探幽奧親見確稽或過信傳聞或乞靈故紙以故踵謬

齊山巖洞志 卷首

凡例

一

承訛得失互見是役也余下榻僧廬星霜兩易導壑批巖無幽不入以磨崖爲證據以游記爲先資東西則針以定之遠近則步以度之又復博採羣書旁參史傳而後舊志之是非可辨前賢之事蹟畧備矣

一是編萃集山書證以諸記故全載於前復節錄於後非複也便觀覽也

一是編所引如王哲齊山洞天記曰洞天記劉王孫齊山圖畫志曰圖畫志田侯慎張李諸志卽以姓別之曰某志省文也其餘必全載篇名

一古今詩文不分體以時代爲先後或見諸磨崖或見諸本集及他書各志者必注明所出使覽者知所據也

一詩文專言巖洞亭臺者分載各景之下有刻於巖洞而屬大概游覽者仍載入總敘卷內下注明某巖洞磨崖至僅書年月題姓名者及序一時情事爲文以記之者則隨所磨崖之處而記焉

一磨崖碑刻明白完全者悉從收錄閒有剝落數字者闕之其殘缺漫滅不可讀者姑置之皆不敢妄自填補以誣先哲而欺後世

齊山巖洞志 卷首

凡例

二

一有詩咏齊山而題目內無明文者仍照原題以存其舊如陸鴈門夢登高山之類是也

一舊志有非齊山詩而摭入者如張承吉之答杜使君九華樓見寄改爲齊山見寄王梅溪之朱文仲和詩用小杜登齊山韻皆非齊山詩也又董元宰翠微亭一絕考容臺集翠微亭詩共七首一會教庵一廣韜室一榆溪九曲一煙駕亭一娜嬾洞一投轄館一玉舉齋烟迷楊柳洲一首乃會教庵詩也則非齊山之翠微亭明矣故並刪之

一齊山以石勝故分紀首敘巖洞而寺觀亭臺以及

名賢方外皆隨地著焉

一洞天記自妙空巖至翠微亭爲山之右自華蓋洞過繡春臺至獅子圓頂二洞爲山之左別列李刺史隄虎嘯巖石虎洞醒翁石有待巖爲山之北田志南起朝天洞至龍門峽而止餘悉爲北圖畫志南始於寺終於五雲庵北始於九鼎洞終於青雲隄又以朝天洞蓮花池翠微隄別爲山之右且云以山椒爲斷不知一峯也而劃爲兩面卽分載兩處咫尺間南北相懸徒眩人目今由首及尾循徑而書使探奇獵勝者挾冊以求瞭若指掌

齊山巖洞志

卷首

凡例

三

一書院之設所以興賢育才講學考藝與學校相表裏者故特詳之

一題咏諸人各立小傳載諸卷首曰爵里姓氏考平生出處約畧可知使讀者展卷之下可以想見其人

一凡遇家諱皆友人潘君蘭如填焉

一讀王荊公和吳仲庶題齊山圖一律知趙宋時齊山已有圖惜湮沒不傳前明諸圖似覺太畧康熙間所繪舛錯實多今孫心田上舍所作巖壑分明部位不紊列諸卷首足當卧遊

一志家往往以詩文爲藝文不知藝文之名始於班孟堅志諸家所習書篇目今仿其遺意臚列茲山諸志並詳纂輯人平生而以序跋附之

一志家有雜記大抵爲掇零拾剩作也今輯是編有無類可附者悉載是卷名曰雜記

一李志於華殿司書堂後增避詔巖按華公無避詔事故不載

一壽字巖有史彌遠題名及跋其後者不錄上清巖有魯館題名不錄皆以其人而廢也

一歲乙巳余嘗搜錄齊山石刻以其足資考證也而

齊山巖洞志

卷首

凡例

四

閒有後人所鐫因作齊山磨崖辨一書稍陳鄙見今附載各卷質諸高明

一余家乏藏書是編所引或借自朋窗或鈔諸書肆無底本可較亥豕必多仍祈博雅君子代爲指摘一余自慚譚劣聞見無多海內名篇不遑搜輯倘蒙郵寄卽行補刊

九華陳蔚梅緣識



齊山圖

皖江潘宗正篆



齊山圖

卷目

齊山南面圖

一

齊山南面圖



齊山圖

卷目

齊山南面圖

二

